

Ma'aq Lukis a Maqtu Mudandaan

Ma'aq qabasang a, mapakasihal a lukis i Bununtuza tu bununun. Maqtu nainkun mapabazbaz, muskun tindadangkul nait pistanaqtaq. Ma'aq is matingaan a siza ngaan i lukis ispatingaan i hubuqtun. Maupa kas'aang miliskin tu sanmaqtu'ang a uvaz'az maszang lukistun madaqvas a maqatba. Paaq pu'un, ma'aq a Bununtuza tu maikikingna ka, ni'i tu qatmang mapalug i lukis saulaupaku, lusqa tinlukis i ni'i'in miqumis tu lukis is ispalusapuz.

Haiza haan Pusungta tupa'un tu asangSaza'sa ka, haiza tatini tupa'un tu Aziman a, tinan'a dau naipa maimadadaingaz tupa tu, ma'aq qabasang tu luapang tunlusqu pana'ita tudiip a, saduu haiza sulai'az tu lukis a tupa tu, "Mavia madia pinasaq makikapakapa ki! Mavia tu madia bantas mapalistaip i!", tinquz'a amin saduu tupa tu, ma'aq lukis ita ka tuza tu manau'azdaingaz is sadu'an salaz. Uu ka, kat'ita'in amin Bununtuza bunun miqumis tu tudiip.

Haipin a tusqang a, tis'uni haiza iniliskinan tu na'asa malqaipu ki buhav ita ka, ma'aq a Azimanun a, pin'uni'un siata antanhiku asang tu libusdaingaz i "Patdanan itulibus tal'ai'an tu dadainpusan". Haiza is'aang miliskin tu na'asa ispasaqaal sia ituBununsiduq makadim malibauszang malkasia libusdaingaztun is maluskun miqumis. Lusqa tu, kamani'i tu

maszang ituduma libusdaingaz tu tantungu'an, ma'aq is natantungu mun'ita ka, asa dau tangus kahanus madas i davustuza, asa amin a is'aang tu sininisnis. Sintupa dau tu mapataqu'ang i Diqanin siin maimadadaingaz, samasqing amin saduu ki Bununtuza tu siduqun a, natudiip amin maqtu'in mun'ita tantungu.

Mazima a Aziman paqaqainan taqu tu, "Ma'aq is kalatun qatibing a, asa ni'i tu katmang maludaq mapataz, biao is natailiva tailudaq i taimidalaq tu maimadadaingaztun. "Maisiqabas Bununtuza tu bunun a nanu haiza mailanqabasan a iniliskinan tu, altupa tu nai lukis, takismuut, ivutaz siin i bunun mita ka, ituskuun amin a libusdaingazun.

Paaq pu'un, asa ka tantungu bunun a is'aang tu sinisnis is munkumbu libusdaingazti, altupa tu simaq a, asa amin tu haiza'an iniliskinan is malkalibusdaingaz tu kuzkuza'un. Maupa, ma'aq haan libusdaingaztun a tuza tu maqtu usadu'an luqi nait susuaz i miniqumis. Ma'aq vali ka mananqatnanqat, maninsaq a hivhiv, amin maning'as a danum is sadu'an. Maqtu naipi ispasabaiv i duma siduq tu, ma'aq Bununtuza tu bunun a sapiszang is saduu maqma'aq siin madaidaz is malkadalaq.

115 年全國語文競賽臺灣原住民族語言朗讀文章 【巒群布農語】 國中學生組 編號 4 號

會走路的樹

遠古時代，樹和布農族人是非常要好的朋友，布農族人還會以樹的名字來為孩子命名。布農族人的後代至今不會亂砍活著的樹。

在臺東縣的鸞山村，有位名叫阿里曼的族人，將村落後方的山林規劃為森林文化博物館，讓更多人認識布農族人與樹共生共榮的精神，一起成為守護森林的朋友。森林的主人是大家的，不僅是樹、人、野生動物的，也是昆蟲的，到訪的人必須抱持謙卑的心進入森林，體會布農族人跟土地和諧對等的經驗。